

আগে যদি জানতাম

মোঃ আবদুল খালেক

আগে যদি জানতাম রে বন্ধু, থাকবি রে ভুলিয়া
মরন হইয়া থাকতাম রে তোর, গলাতে ঝুলিয়া
রে বন্ধু, মরন হইয়া থাকতাম রে তোর গলাতে ঝুলিয়া ।

এত কেন বাঁধলি রে প্রেমে, বন্ধু তুই দরদী হইয়া
তোর সুখের চুমা ভিজায় মোরে, চোখে শিশির হইয়া,
রে বন্ধু, চোখে শিশির হইয়া ।

বন্ধুরে, বুঝতে যদি পারতাম রে বন্ধু, শেষ যাও দেখা দিয়া
জনম অন্ধ হইতাম রে আমি, তোরে শেষ দেখিয়া-
রে বন্ধু, তোরে শেষ দেখিয়া ।

কোন পাষানী নিল তোরে রে বন্ধু, মরন স্বপন দিয়া
তোর মরনই পড়তাম রে আমি সিঁথি তে বিষ নিয়া,
রে বন্ধু, সিঁথি তে বিষ নিয়া ।

আগে যদি জানতাম রে বন্ধু, থাকবি রে ভুলিয়া
মরন হইয়া থাকতাম রে তোর, গলাতে ঝুলিয়া
রে বন্ধু, মরন হইয়া থাকতাম রে তোর গলাতে ঝুলিয়া ।

আইভরি কোষ্ট

৩০-৪-২০০৬